

Hagdangz Sawcuengh Guengjsae Hai Laebhag 60 Hopbi Nem Gvangjsih Minzcuz Gauhcungh Banhhag 15 Hopbi Codanzvei

广西壮文学校建校60周年暨广西民族高中创办15周年座谈会举行

Aen codanzvei Hagdangz Sawcuengh Guengjsae laebhag 60 hopbi nem Gvangjsih Minzcuz Gauhcungh laebbanh 15 hopbi 11 nyied 26 hauh youq Nanzningz Si Vujmingz Gih gawjbanh. Swcigih Minzveij(cunghgyaugiz)、Minzyijveij cujyin Luz Yenbenj daengj lingidauj camgya le codanzvei.

Luz Yenbenj youq gwnz hoih doeg gij ciji Swcigih Dangjveij cangzveij、swcigih fucujisiz Vangz Siyungj. Vangz Siyungj hoh hagdangz aeundaej cingczik lwenqda, de maqmuengh hagdangz laebdaeb haengqrengz, dajcaux cingczik moq, hix maqmuengh gak fuengmienh laebdaeb cihciz hagdangz fazcanj.

Luz Yenbenj youq gwnz codanzvei naeuz, gij lizsij Hagdangz Sawcuengh Guengjsae 60 bi nem gij lizsij Gvangjsih Minzcuz Gauhcungh 15 bi, cigndaej raeuz geiqniemh, youq gwnz lizsij minzcuz fazcanj, aen hagdangz neix cigndaej raeuz ndaenggon. De naeuz, Baelaeng, hagdangz fazcanj aeu gaenjmaed lienzhaeh gij vanzging hung minzcuz gyauyuz caeuq vahsaw saujsu minzcuz daegbied dwg Sawcuengh sawjyung、yenzgiu、swnjcienz fazcanj guek raeuz gih raeuz haenx; aeu gaenjmaed lienzhaeh gij gveihva、yinvu、cwngcwz cosih hong

minzcuz gyauyuz nem minzcuz yijvwnz guek raeuz gih raeuz “cibsam haj” haenx; aeu gaenjmaed lienzhaeh gij dinghvi、laebdingh conhyez、muzbyauh hagdangz gensez haenx; aeu gaenjmaed lienzhaeh gij saedcaeq swhyenz naengzlig hagdangz caeuq minzveij、minzyijveij nem gij iugouz hablex gyoengq lauxsae haenx. Luz Yenbenj maqmuengh sevei gak fuengmienh aeu yawjnaek caeuq bangcoh hagdangz laebdaeb fazcanj baenaj.

Youq gwnz codanzvei, gyoengq lingidauj caeuq conhyah boux riengz boux gangjavah, doxyaeng hagdangz baenzlawz engq ndei engq vaiq fazcanj minzcuz gyauyuz, caemhcai q daezok gij genyi caeuq yigen shwgeij.

Hagdangz Sawcuengh Guengjsae 1956 nienz laebbanh. 60 bi gvaqdaej, hagdangz fazcanj vaiqdangq, youq beizyangj ganbu saujsu minzcuz、lauxsae Sawcuengh Sawgun、yinzcaiz minzcuz vwnzva yisuz, daezsang giekdaj gyauyuz banhhag cizlieng daengj fuengmienh guh’ok le gunyen, vih dieg minzcuz gih raeuz beizyangj liux 4 fanh lai boux gak loih yinzcaiz, coicaenh le minzcuz doxgiat cinbu gih raeuz. Hagdangz hix daj yienzbonj banh donjyibanh fazcanj daengz banh cunghconhbanh, daj



▲Aen hoihciengz codanzvei.

yienzbonj aen conhyez he fazcanj daengz cibgeij aen conhyez, youz hagdangz cunghciz bingzciengz fazcanj baenz aen hagdangz swcigih cungdenj he, daj gauhcungh moq fazcanj baenz aen sifansing gauhcungh youq ndaw Guengjsae mizmingz he. Dangqnaj, hagdangz gungh miz hagseng 4500 vunz, ndawde hagseng

saujsu minzcuz ciemq 95% doxhwnj.

Swcigih Minzveij、Minzyijveij gihgvanh gak cusiz、Swcigih Gyauyuzdingh、Vujmingz Gih Dangjvei、Cwngfuj daengj bumwnz caeuq danhvei lingidauj、conhyah nem lauxsae Sawcuengh daengj 300 vunz baedauq camgya le codanzvei.

(Mungz Sugij)

Yungzsuij Minzcungh Guh Hozdung Angqhoh Laebbanh 30 Hopbi

融水民中举办30年庆典活动

12 nyied 3 hauh, Yungzsuij Myauzcuz Swciyen Minzcuz Cunghyoz gawjbanh 30 hopbi gingdenj hozdung, guh boq aenvenz、doengzdeih、diuq fouxvenz、yienj fouxgyongrag daengj doxdax, daengx aen hagdangz lauxsae hagseng cungj angqyangz camgya guh gak cungj gak yiengh hozdung. Aen hag neix it、ngeih nienzgaep aendoih boqvenz yienj gvangjanczuvuj aenvenz ndaej daengz gyoengqdoih aen hag wnq

caeuq gyoengq bouxhek haenh.

Gaenh geij bi neix daej, aen hag neix dawz aenvenz、caijdangz daengj minzcuz conzdungj vwnzva yinx haeuj ndaw hagdangz bae, lij laeb aen doihboqvenz miz 400 boux hagseng he, hawj gyoengq hagseng hagsib minzcuz vwnzva caeuq swnjcienz minzcuz vwnzva, daezswngz vwnzva minzcuz suciz bonjfaenh.

(Lungz Linzci/龙林智)



▲Vuenvuen heijheij diuq fouxgyongdoxrag.



◀Doeg saw doeg saw caiq doeg saw, cawx saw cawx saw caiq cawx saw.

►Roeg yaek mbin ndaej sang sien mbe fwed, vunz siengj benz ndaej sang sien doeg saw.



Yungzanh Haiguh “Saw Rang Yungzanh Doegsaw Saedyienh Siengjmuengh” Hozdung

融安启动“书香融安 阅读圆梦”行动

12 nyied 3 hauh, Yungzanh Yen haiguh cawjdaez “saw rang Yungzanh doegsaw saegyienh siengjmuengh” aen hozdung neix, doenggvaq hawj gyoengq hagseng gungzhoj haenx gien saw caeuq baijgai daengj fuengsik, hawj gyoengq vunzlai daezhawj gij saw

cingqbanj gyaqcienz daemq、binjciz ndei haenx, hawj gyoengq vunzlai haemq haengj doegsaw, yinx vunzlai lai doegsaw、doeg saw ndei, daezsang vunzlai doegsaw suiijingz, hwnjguh saw rang Yungzanh moq.

(Danz Gaijhingh/谭凯兴)